



REPUBLIKA E KOSOVËS REPUBLIKA KOSOVA REPUBLIC OF KOSOVO
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Priljena / Predato Received / Delivered	11.05.2022	2	viti god year
Organ / Biseda Organ / Biseda Org / Biseda	Pr. Prot. Pr. Prot. Prot. no	Shtesa / Prilog Appendix	Sasia Kolicina Quantity
SKPMBHCK 27.20/2022			119



Republika e Kosovës
Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBE KOSOVA
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.308/2022

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje nga: Eshref Shabani-kryetar, Malsore Gashi- Bajraktari dhe Jeton Koca-anëtarë, me Rushit Kajtazi -Zyrtar i lartë për Bashkëpunim Profesional në cilësinë e procesmbajtësit, ka shqyrtuar ankesën me numër A.nr.308/2022 të datës 29.03.2022 të parashtruar nga ankuesi me adresë banimi:

kundër organit të punësimit/Shërbimit Korrektues të Kosovës, në çështjen juridike "masë disiplinore", duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim, me datë 10.05.2022, mori këtë:

V E N D I M

- I. REFUZOHET si e pabazuar ankesa me numër A.nr.308/2022, e datës 29.03.2022, e parashtruar nga ankuesi
- II. MBETET në fuqi Vendimi me numër KD.nr.003/2022 i datës 24.02.2022, i Komisionit Disiplinor të Shërbimit Korrektues të Kosovës.

A r s y e t i m

Ndaj ankuesit i punësuar në pozitën Mbikëqyrës në Qendrën e Paraburgimit në Prizren, më datë 25.01.2022 është iniciuar procedurë disiplinore në Komisionin Disiplinor të Shërbimit Korrektues të Kosovës me pretendimet për mos respektim të procedurës së sigurisë për shkak të një predhe e cila i është dorëzuar.

Komisioni Disiplinor i Shërbimit Korrektues të Kosovës më datë 24.02.2022 ka nxjerr Vendimi me numër KD.nr.003/2022 me të cilin ankuesit i ka shqiptuar masën disiplinore "ndalim i pagës 20% për periudhën një mujore".



Ankuesi kundër Vendimit me numër KD.nr.003/2022 të datës 24.02.2022, të Komisionit Disiplinor të Shërbimit Korrektues të Kosovës, të cilin në bazë të dëshmive e ka pranuar më datë 07.03.2022, përmes postës më datë 25.03.2022 ka parashtruar ankesë për Këshillin e Pavarur Mbikëqyrës për Shërbimin Civil të Kosovës, e cila më datë 29.03.2022 është regjistruar, me numër protokoli 1666/2022.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, më datë 05.04.2022 ka proceduar kërkesën për përgjigje në ankesën e ankuesit tek Shërbimi Korrektues të Kosovës. Ndërsa Këshilli me datë 05.05.2022, ka pranua nga Shërbimi Korrektues të Kosovës përgjigjen në kërkesë me numër protokoli:1840/2022, se bashku me shkresat e bashkangjitura.

Kolegji për Shqyrtimin dhe Vendosjen e Ankesave ka administruar këto prova: Ankesën A. Nr. 308/2022 të datës 29.03.2022 e parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendimi i datës 24.02.2022, me numër protokoli KD 003/22, i Komisionit Disiplinor; Kontrata e punës e datës 02.07.2018; inicimi i procedurës disiplinore e datës 25.01.2022; Ftesë e datës 22.02.2022; Procesverbali i Komisionit Disiplinor i ankuesit Raporti përfundimtar i Hetimeve i datës 25.01.2022; raporti i datës 21.01.2022; Urdhër për fillimin e hetimeve e datës 11.01.2022; Informatë e datës 10.01.2022

Kolegji për Shqyrtimin dhe Vendosjen e Ankesave, pasi që ka shqyrtuar të gjitha shkresat e lëndës të parashtruara nga palët në procedurë, ka konstatuar se ankesa e ankuesit është e *pabazuar*, sepse:

Kolegji për shqyrtimin dhe vendosjen e ankesave, i ka shqyrtuar pretendimet ankimore të ankuesit i cili ka pretenduar së Komisionit Disiplinor, me vendim të datës 24.02.2022, lidhur me shqiptimin e masës disiplinore „ndalim i pagës 20% për periudhën një mujore“, nuk ka arritur të konstatoj drejtë gjendjen faktike dhe juridike.

Kolegji për shqyrtimin dhe vendosjen e ankesave, lidhur me vendosjen e kësaj çështje juridike, ka konstatuar se inicimi i procedurës disiplinore ndaj ankuesit më datë 25.01.2022 është bërë për arsye të mos respektim të procedurës së sigurisë për shkak të një predhe e cila i është dorëzuar, ndërsa në bazë të Raportit Përfundimtar të Hetimeve të datës 25.01.2022 konstatohet që duke i'u referuar dëshmisë së dëshmitarëve nuk e ka treguar aspak të vërtetën.

Lidhur me këtë lëndë, Kolegji për shqyrtimin dhe vendosjen e ankesave, konstaton se 01.01.2022 ankuesi ka qenë kujdestar në cilësinë e mbikëqyrësit, ndërsa një i paraburgosur gjatë shëtitjes në shëtitoren e Qendrës Korrektuese në Prizren ka gjetur një predhë të armës të cilën e ka dorëzuar tek mbikëqyrësi në pjesën banuese respektivisht ankuesit.

Në bazë të dëshmitareve respektivisht Zyrtarëve Korrektues dhe dhe të paraburgosurit dhe incizimit të kamerave tregojnë se predhat e gjetura në shëtitore e njëjta është dorëzuar tek mbikëqyrësi i drejtpërdrejtë në këtë rast ankuesi, ndërsa të dy dëshmitarët dëshmojnë që i paraburgosuri vjen nga shëtitja dhe hyn në zyrën e mbikëqyrësit ku në dorë kishte një predhë (plumb) të armës dhe ia dorëzon mbikëqyrësi ndërsa i paraburgosuri ka deklaruar që gjatë shëtitjes më datë 01.01.2022 kam hasur në një plumb dum-dum e kam marr dhe e kam futur në xhep dhe ia kam drejtuar oficerit, mirëpo më tha shko tek mbikëqyrësi, kam shkuar tek mbikëqyrësi i dhashë plumbin bile i thash se është i rrezikshëm mund të kërset.

Në seancë të komisionit disiplinor të datës 24.02.2022 ankuesi deklaroi që nuk ka qenë objekt për rrezikim të sigurisë me u marr shumë me ta, ndërsa deklaroi tutje se nuk ka raportuar sepse nuk ka qenë faktor bindës që me raportuar, andaj bazuar në këto deklarime si dhe duke i'u referuar provave të lëndës, Kolegji për shqyrtimin dhe vendosjen e ankesave, konstaton se nuk ka asnjë dëshmi që ankuesi këtë rast ta ketë raportuar tek hierarkia më e lartë apo këtë rast ta ketë paraqitur në raportin më shkrim të ndërrimit, ndërsa sipas përshkrimit të detyrave të punës është i obliguar që të paraqes çfarëdo ngjarje që ndodh gjatë kohës sa është në ndërrim, për me tepër në bazë të raporti përfundimtar të hetimeve ankuesi deklaroi që mirrem më punë me të rëndësishëm dhe nuk duhet kushtuar vëmendje çdo sendi që vjen si rast.

Kolegji për Shqyrtimin dhe Vendosjen e Ankesave, vlerëson se ankuesi me rastin e mos përmbushjes së detyrave të punës është përgjegjës për shkeljen e kryer të përcaktuara si në nenin 46 paragrafi 1 dhe 3 nën paragrafi 3.1 dhe 3.10 të Ligjit Nr.06/L-114 Për Zyrtarët Publikë, ku përcaktohet se: "Shkelje disiplinore konsiderohen shkelje të detyrave të punës dhe detyrimeve ligjore, duke përfshirë mundësinë e shqiptimit të masave disiplinore; Shkelje të rënda konsiderohen: 3.1. mos përmbushja e detyrave të punës. 3.10. shkelja e detyrimeve të përcaktuara në këtë ligj dhe në legjislacionin në fuqi;", kështu që me qëllim të shqyrtimit të pretendimeve ankimore të ankuesit, i'u kemi referuar dispozitave të nenit 45 të Nr.06/L-114 Për Zyrtarët Publikë, ku përcaktohet se: "Përgjegjësia disiplinore është moszbatimi apo zbatim jo i duhur i detyrave të punës dhe detyrimeve të tjera ligjore, që përmban elementet si në vijim: 1.1. "ekzistimin e veprimit të paligjshëm apo mosveprimit;" 1.2. kryerjen e veprimit me faj apo mosveprimit; 1.3. ndodhja e pasojës 1.4. ndodhja e dëmit; dhe 1.5. lidhjen shkakësore ndërmjet veprimit të kryer dhe pasojës/dëmit" si dhe nenit 50 i të njëjtit ligj ku përcaktohet se: "Për përcaktimin e masës disiplinore të zbatueshme, mbikëqyrësi i drejtpërdrejtë ose komisioni disiplinor bazohet në: 1.1. shkaqet, rrethanat e kryerjes së shkeljes, rëndësinë dhe pasojat e saj; 1.2. shkallën e fajësisë; 1.3. ekzistencën e masave të tjera disiplinore të mëparshme të pashlyera, sipas nenit 47 të këtij ligji; 1.4. përpjekjet e mëparshme të nëpunësit për shmangien apo kufizimin e dëmit. 2. Masat disiplinore jepen në raport të drejtë me shkeljen e kryer. 3. Për shkeljet e rënda, jepen masat disiplinore të përcaktuara në paragrafët 1.2 deri 1.4 të nenit 47 të këtij ligji. 4. Për shkeljet e lehta, jepen masat disiplinore të përcaktuara në paragrafin 1.1 të nenit 47 të këtij ligji. 5. Për çdo shkelje, jepet vetëm një masë disiplinore". Komisioni Disiplinor i Shërbimit Korrektues i Kosovës, me rastin e nxjerrjes së Vendimit me numër KD.nr.003/2022 të datës 24.02.2022, ka vepruar në pajtim me nenin 47 paragrafi 1 nën paragrafi 1.3 të Ligjit Nr.06/L-114 Për Zyrtarët Publikë, siç përcaktohet se: "1. Masat disiplinore, të cilat mund të zbatohen ndaj nëpunësit civil, janë: 1.1. vërejtje; 1.2. ndalimi nga 20% deri në 40% e pagës për një periudhë deri në gjashtë muaj; 1.3. ndalimi i ngritjes në detyrë, duke përfshirë këtu rritjen në shkallën e pagës për një periudhë nga dy deri 5 vjet; 1.4. largimi nga Shërbimi Civil", ndërlidhur me nenin 48 paragrafi 3 të Ligjit Nr.06/L-114 Për Zyrtarët Publikë ku përcaktohet se: "Masat disiplinore të parashikuara në

paragrafin 1.2 deri 1.4 të nenit 47 të këtij ligji, janë në kompetencën e komisionit disiplinor", nga rrjedh se Komisioni Disiplinor i ka marr për bazë parimet e individualizimit të masës, duke vepruar në pajtim me nenin 50 paragrafin 1, 2 dhe 3 të Ligjit Nr. 06/L-114 për Zyrtarët Publikë, nenin 13 paragrafin 3, 4 dhe 5 të Rregullores (QRK) Nr. 11/2020 për Disiplinën dhe Ankesat e Zyrtarëve Publikë, mbi bazë të kësaj Vendimi me numër KD.nr.003/2022 i datës 24.02.2022 i Komisionit Disiplinor të Shërbimit Korrektues të Kosovës, është në përputhje me nenin 47 dhe 48 të Ligjit Nr. 05/L-031 për Procedurën e Përgjithshme Administrative, bazuar në këtë edhe pretendimet ankimore të ankuesit janë të pabazuara, sepse ankuesit me veprimet e tij ka vepruar në kundërshtim me nenin 25 paragrafi 3 të Ligjit Nr. 06/L-114 për Zyrtarët Publikë, i cili përcakton se: *"Zyrtari publik duhet të veprojë në përputhje me parimet e përcaktuara me këtë ligj, kodin e etikës dhe veprimet e tij duhet të jenë në funksion të themelimit dhe përforcimit të besimit të ndërsjellë dhe bashkëpunimit ndërmjet qytetarëve dhe administratës publike"*, kështu që Zyrtari publik gjatë punës së tij duhet të jetë i përgjegjshëm dhe gjatë ushtrimit të detyrës mban përgjegjësi të plotë sipas ligjit, për çdo veprim apo mosveprim të tij, siç parashihet me nenin 28 të këtij ligji.

Kolegji për shqyrtimin e ankesës, pas shqyrtimit të shkresave të lëndës si dhe duke u bazuar në nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbiqyrës për Shërbimin Civil të Kosovës si dhe nenit 132 paragrafit 2 të Ligjit Nr.05/L-031 Për procedurën e Përgjithshme Administrative, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIQYRËS PËR SHËRBIMIN CIVIL TË KOSOVËS
Lënda me numër A.nr.308/2022

Rushit KAJTAZI

Procesmbajtës

Eshref SHABANI

Kryetar i Kolegjit

Vendimi i dërgohet:

- Ankuesit
- Drejtorit të Përgjithshëm të Shërbimit Korrektues të Kosovës;
- Udhëheqësit të Burimeve Njerëzore në Shërbimin Korrektues të Kosovës dhe
- Arkivit të KPMSHCK-së